



S t a t u t

Vijeća mladih Grada Mostara

Na osnovu Zakona o mladima Federacije BiH, člana 1. i člana 37. («Službene novine Federacije BiH», broj 36/10), na osnovu Europske povelje o učešću mladih na lokalnom i regionalnom nivou, člana 14. i 15. i Zakona o udruženjima i fondacijama («Službene novine Federacije BiH», broj 45/02), Skupština Vijeća mladih Grada Mostara na sjednici održanoj dana 28.02.2016. godine donosi

S T A T U T
Vijeća mladih Grada Mostara

I OPĆE ODREDBE

Načela organiziranja

Član 2.

Ovim Statutom uređuje se naziv, sjedište, područje na kojem Vijeće mladih Grada Mostara djeluje, djelatnosti Vijeća mladih Grada Mostara, svrha i programski ciljevi, uslovi i način učlanjivanja, prestanak članstva, prava i dužnosti i odgovornosti članova, organi Vijeća mladih Grada Mostara, način izbora i uslovi opoziva, trajanje mandata, način odlučivanja i odgovornosti, način sticanja korištenja i raspoređivanja sredstava, način upotrebe pečata, amblema te druga pitanja od značaja za rad Vijeća mladih Grada Mostara (u daljem tekstu «Vijeće mladih»).

Član 3.

Vijeće mladih je slobodna, dobrovoljna, nestranačka, nevladina i neprofitna organizacija, koja će se zalagati protiv rasne, nacionalne, vjerske, političke, spolne i drugih oblika diskriminacije, te kršenja slobode i prava čovjeka i građanina, sa ciljem poboljšavanja životnih uslova mladih Mostara.

Član 4.

Rad Vijeća mladih je javan.

Naziv i sjedište

Član 5.

Naziv Vijeća je: **VIJEĆE MLADIH GRADA MOSTARA**

Skraćeni naziv je: **VMGM**

Sjedište Vijeća je u Mostaru, **Ulica Fra Ambre Miletića br. 30 u Mostaru**

Svojstvo pravne osobe

Član 6.

Vijeće mladih ima svojstvo pravne osobe koje je steklo danom upisa u Registar udruženja građana kod nadležnog državnog tijela.

Za svoje obaveze Vijeće mladih odgovara svom svojom imovinom (potpuna odgovornost).

Vijeće mladih ima svoj žiro račun (za valutu BiH i devizni).

Član 7.

Vijeće mladih je samostalno u svom radu i djelovanju. Vijeće mladih djeluje na području Grada Mostara.

Pečat, štambilj i amblem

Član 8.

Vijeće mladih ima pečat, štambilj i amblem.

Pečat Vijeća mladih je okruglog oblika, prečnika 50 mm, s kružno upisanim tekstom „Vijeće mladih Grada Mostara“, a u sredini pečata je ucrtan amblem Vijeća mladih Grada Mostara.

Štambilj je pravokutnog oblika, dimenzija 60x25 mm, s upisanim nazivom i sjedištem Vijeća mladih i označenim prostorom za upisivanje broja podneska, datuma prijema i otpreme dopisa i potpisa osobe koja ima ovlaštenje za te poslove.

Amblem Vijeća mladih je plave boje s grbom Grada Mostara preko koga se nalaze konture lika mladića plave boje sa upisanim tekstom «Vijeće mladih Grada Mostara».

Upravni odbor Vijeća mladih donosi Pravilnik o upotrebi, čuvanju pečata, štambilja i amblema Vijeća mladih.

Udruživanje

Član 9.

Vijeće mladih se može udruživati u Vijeće mladih Hercegovačko-Neretvanskog Kantona, domaće i inostrane omladinske asocijacije i organizacije.

Odluku o udruživanju donosi Skupština Vijeća mladih na prijedlog Upravnog odbora Vijeća.

Vijeće kao član širih asocijacija, domaćih i inostranih, prihvaća osnovna načela i međunarodne postulate ugrađene u njihove statute i pravila.

Jezik u službenoj upotrebi

Član 10.

Službeni jezici Vijeća mladih su: bosanski, hrvatski i srpski, a pismo latinica i ćirilica.

Osnivanje privrednog društava

Član 11.

Vijeće mladih može osnovati privredna društva i druge privredne subjekte u skladu sa Statutom i Zakonom o udruženjima i fondacijama („Službene novine Federacije BiH“, broj 45/02) u daljem tekstu „Zakon“, a u interesu sticanja dodatnih sredstava za rad s mladima.

II

CILJEVI I DJELATNOST VIJEĆA

Član 12.

Vijeće mladih ima obavezu djelovanja na jačanju uključenja mladih u društveni život zajednice i njihovom informiranju.

Vijeće mladih bit će direktno uključeno u proces izrade i provođenja strategija prema mladima u Gradu Mostaru s ciljem doprinosa, usvajanja i provođenja politike prema mladima i programa djelovanja za mlade koji najviše odgovaraju potrebama i pitanjima mladih.

Vijeće mladih bavit će se i politikama koje se posredno dotiču mladih i koje utječu na opći razvoj i prosperitet, te opću društvenu dobrobit, kao i svim ostalim pitanjima koja se posredno odnose na mlade.

Vijeće mladih će delegirati svoje predstavnike/ce u stručna radna tijela i komisije pri organu lokalne uprave.

Vijeće mladih kao ni njegove članice ne mogu se ni na koji način angažirati u predizbornoj kampanji političkih stranaka, koalicija i nezavisnih kandidata, niti im pružati podršku.

Zabranjene su djelatnosti Vijeća mladih koje su usmjerene ka podrivanju ustavnog poretka i koje su u suprotnosti sa Zakonom.

Vijeće mladih niti njegove članice ne smiju se baviti aktivnostima kojima se na bilo koji način raspiruje govor mržnje, širi netolerancija, ksenofobija ili rasizam, ili vrši diskriminacija bilo koga po bilo kojoj osnovi.

Ciljevi Vijeća mladih:

- jačanje uključenja mladih u društveni život zajednice;
- saradnja između članica Vijeća mladih i organa lokalne uprave;
- promocija rada s mladima i omladinskog rada;
- popularizacija i širenje svijesti o značaju rada sa mladima i pristupu mladima;
- poboljšanje uvjeta života mladih ljudi u Gradu Mostaru;
- organizacija konferencija, stručnih seminara, savjetovanja, predavanja i sl.;
- izrada strateških dokumenata i operativnih programa iz oblasti rada sa mladima i omladinskog rada;
- organiziranje javnih rasprava, izrada analiza i prijedloga za unapređenje položaja mladih;
- putem svojih predstavnika saraduje i učestuje u radu Komisije za mlade Gradskog vijeća Grada Mostara kao stalnog radnog tijela koji se u okviru svojih mjerodavnosti bavi pitanjima mladih u Gradu Mostaru.

Aktivnosti Vijeća mladih:

- ispunjava i zadovoljava zajedničke interese članova Vijeća mladih s područja Grada Mostara;
- doprinosi i promovira razvoj sporta, kulture, umjetnosti, odgoja, obrazovanja, volonterizma i drugih sfera života od interesa za mlade, a u skladu sa Zakonom;
- postaje platforma za sve mlade ljude da se uključe u konstruktivan dijalog i partnerstvo s odraslima koji su uključeni u donošenje odluka adresirajući njihove potrebe i aspiracije;
- aktivno sudjeluje kao predstavnik mladih Mostara na relevantnim funkcijama, u zemlji i inostranstvu, te ohrabruje veze s mladim ljudima;
- pruža savjetodavnu pomoć mladim ljudima kako bi napravili pozitivan učinak u svojim zajednicama;
- neformalno obrazuje svoje članice i druge zainteresirane strane koje se bave pitanjima mladih;
- izrađuje i provodi projekte, kampanje i javne inicijative, koji će se baviti pitanjima od posebne važnosti za mlade;
- promovira srdačne i prijateljske odnose među svojim članovima;
- predlaže i aktivno učestvuje u pripremi i realizaciji Strategije za mlade grada Mostara;
- podstiče i promovira povezivanje Grada Mostara s drugim općinama, gradovima, kantonima s ciljem poboljšanja položaja mladih u BiH te zbližavanjem mladih;
- potiče i učestvuje u iznalaženju prostora za mlade;
- potiče mlade ljude da sudjeluju u razvoju demokratskog društva, naročito kroz odgovorno i samostalno djelovanje, kritičko mišljenje, kao i socijalno i solidarno ponašanje;

- potiče mlade ljude na međusobno razumijevanje i spremnost na saradnju u društvu;
- djeluje protiv militarističkih, nacionalističkih, rasističkih i totalitarnih stremljenja članica ili pojedinačnih mladih ljudi;
- potiče cjelokupnu lokalnu zajednicu na primjerenu i prilagođenu ponudu aktivnosti iz oblasti rada s mladima i omladinskog rada;
- zalaže se za ravnopravnost spolova, društvenu uključenost i jednake mogućnosti za sve mlade ljude;
- obavlja druge poslove i zadaće koje su utvrđene propisima iz oblasti rada s mladima.

III

ČLANSTVO

Svojstvo člana

Član 13.

Punopravno članstvo u Vijeću mladih mogu zatražiti isključivo omladinska udruženja, i to ona koja su zakonski registrirana najmanje 6 mjeseci i koja se nalaze na spisku koji vodi Grad Mostar u skladu s članom 15. Zakona o mladima FBiH, nakon što podnesu pisani zahtjev Skupštini Vijeća mladih i nakon što budu prihvaćena na sjednici Skupštine.

Omladinska udruženja koja su sudjelovala na Osnivačkoj skupštini Vijeća mladih automatski su članice Vijeća mladih. *Prijem novih članova vršiti na osnovu posebnog Pravilnika o prijemu novih članova u VMGM, koji će donijeti Skupština Vijeća mladih.*

Neformalne grupe mladih, tj. oni koje se nalaze na spisku neformalnih omladinskih grupa sa područja Grada Mostara, u skladu sa Zakonom o mladima FBiH, ne mogu biti punopravne članice Vijeća mladih. Predstavnici/e neformalne grupe mladih sa područja Grada Mostar mogu prisustvovati sjednicama Skupštine Vijeća mladih i davati prijedloge, ali ne mogu birati, niti biti birani u organe Vijeća mladih.

Pristupanje Vijeću mladih je dobrovoljno.

Član 14.

Organizacija Članica Vijeća mladih može biti isključen iz članstva u Vijeću mladih odlukom Skupštine, ukoliko se utvrdi da po definiciji Zakona o mladima FBiH nije više omladinsko udruženje ili ukoliko postupa suprotno ciljevima i Statutu Vijeća mladih, kao i njegovim pravilima rada.

Prije donošenja Odluke o isključenju, članica Vijeća mladih mora biti obaviješteno o prijedlogu za isključenje, kao i o razlozima zbog kojih se predlaže isključenje.

Članica se u roku od 7 dana izjašnjava o pokrenutom prijedlogu za isključenje iz Vijeća mladih ili za dostavljanje dokaza o ispunjavanju uvjeta za daljnje članstvo.

Članica Vijeća mladih može i sama istupiti iz članstva, a u obliku pisanog obavještenja sa obrazloženjem o istupanju predsjedniku/ci Skupštine.

Članica koja je istupila ili je isključen iz Vijeća mladih gubi sva prava koja imaju organizacije članice Vijeća mladih.

Član 15.

Članovi (predstavnici organizacija) Vijeća učlanjuju se u Vijeće mladih donošenjem Odluke o pristupanju Vijeću mladih od strane nadležnog organa organizacije odnosno tijela koje predstavljaju.

Vijeće mladih vodi registar svojih članova, a oblik i sadržaj registra potpisuje Upravni odbor Vijeća mladih.

Članovi Vijeća mladih su ravnopravni i imaju jednaka prava i obaveze.

Vijeće mladih može imati i počasne članove koje proglasi Skupština Vijeća mladih na prijedlog Upravni odbor Vijeća mladih.

Član 16.

Odluku o pristupanju u članstvo Vijeća mladih donosi Upravni odbor Vijeća mladih.

Odluku o brisanju iz članstva donosi Skupština Vijeća mladih, na prijedlog Upravni odbor Vijeća mladih.

Organizacije i tijela koja su zastupljena u Vijeću mladih dužni su da vode računa o statusu svojih članova koji ih predstavljaju u Vijeću mladih i da o istom obavještavaju Vijeće mladih.

Prava članova

Član 17.

Organizacije članice Vijeća mladih imaju prava da:

- biraju svoje predstavnike u organe i tijela Vijeća mladih i u njima aktivno učešće u radu i odlučivanju;
- njihovi predstavnici biraju i budu birani u organe i radna tijela Vijeća mladih;
- aktivno učešće u utvrđivanju programa i plana rada Vijeća mladih;
- ostvaruju uvid u rad Vijeća mladih, pokreću aktivnosti, predlažu i poduzimaju mjere za ostvarivanje ciljeva, zadataka i programa Vijeća mladih;
- ostvaruju inostranu saradnju preko Vijeća mladih, saveza osnovanih na višem nivou organizovanja mladih, a po mogućnosti i neposredno;
- ostvaruju zaštitu svojih prava;
- vrše nadzor rada organa Vijeća mladih preko Nadzornog odbora.

Obaveze članova

Član 18.

Članovi Vijeća obavezni su da:

- prisustvuju sjednicama Skupštine Vijeća mladih i radnog tijela čiji su članovi, te učestuju u radu, predlaganju rješenja i odlučivanju;
- doprinose aktivnostima Vijeća mladih, u radu sa svim subjektima od značaja za promovisanje i zaštitu uloge i položaja mladih Mostara u cilju poboljšanja njihovih životnih uslova, osiguravajući potrebne razmjene mišljenja, informacija i dokumenata;
- daju prijedloge i primjedbe u vezi rada Vijeća mladih;
- doprinose nacrtima i prijedlozima zaključaka i odluka iz nadležnosti Vijeća mladih;
- predlažu zaključke i odluke iz nadležnosti Vijeća mladih;
- predlažu inicijative u cilju poboljšanja životnih uslova mladih Mostara;
- kreiraju i provode politiku za mlade (omladinsku politiku) Mostara;
- redovno i blagovremeno primaju i pružaju informacije Vijeću mladih o svim pitanjima od značaja za rad Vijeća mladih;

- čuvaju ugled Vijeća mladih;
- djeluju u skladu s programom i ciljevima Vijeća mladih;
- daju prijedloge i primjedbe u vezi rada Vijeća mladih;
- onemogućuju bilo kakvu političku, vjersku, spolnu ili rasnu diskriminaciju i spriječe favoriziranje interesa bilo koje sredine na štetu općih interesa mladih;
- usmjerava i usklađuje svoje međusobne odnose u zajedničke interese radi postizanja ciljeva Vijeća sukladno sa Zakonom, ovim Statutom i drugim normativnim aktima;
- preko Vijeća mladih ostvaruju kontakte i saradnju s tijelima lokalne uprave, institucijama koje se bave pitanjima mladih, privrede, radi ostvarivanja svojih programa i zadaća;
- potiču mjere za poboljšanje položaja mladih na prostoru na kojem Vijeće mladih djeluje;
- koriste se stručnom pomoći Vijeća mladih iz djelokruga njegovog rada;
- predlažu izmjene i dopune Statuta Vijeća mladih i drugih općih akata;
- zastupaju dogovorene stavove i mišljenja Vijeća mladih;
- razvijaju međusobnu odgovornost za provođenje zadaća Vijeća mladih;
- obavezni su davati podatke i izvještaje koje bude tražilo Vijeće mladih u cilju izvršenja zadaća Vijeća mladih;
- obavezni su da se pridržavaju Statuta Vijeća mladih, njegovih zaključaka, odluka i drugih normativnih akata i odgovorni su za njihovo provođenje i izvršenje.

Prestanak svojstva člana

Član 19.

Članstvo u Vijeću mladih prestaje:

- na vlastiti zahtjev (ostavkom),
- istekom mandata,
- opozivom matične organizacije koju predstavlja,
- brisanjem iz registra nadležnog organa,
- odlukom Skupštine Vijeća mladih o isključenju zbog nepridržavanja odredaba ovog Statuta i drugih općih akata Vijeća mladih.

Član 20.

Kada član Vijeća mladih u svom djelovanju ne ostvaruje utvrđene ciljeve i zadaće radi kojih je osnovan, Upravni odbor Vijeća mladih upozorit će ga na nedostatke u radu i neizvršenje svojih zadaća i poslova. Ako član i nakon upućenih upozorenja nastavi djelovati suprotno odredbama ovih pravila, Upravni odbor Vijeća mladih ga može suspendirati, i predložiti Skupštini Vijeća mladih da se imenovani član briše iz članstva.

Dokaz svojstva člana

Član 21.

Svojstvo člana Vijeća mladih dokazuje se odlukom o pristupanju Vijeću mladih, a prestanak tog svojstva odlukom Skupštine Vijeća mladih ili Rješenjem o brisanju iz registra udruženja, koje u skladu sa Zakonom izdaje nadležni organ.

Kontinuitet pravnog subjektiviteta

Član 22.

U slučaju da dođe do prestanka članstva u Vijeću pojedinih članova, Vijeće mladih nastavlja s radom i osigurava kontinuitet pravnog subjektiviteta preostalim svojim udruženim članovima u širim asocijacijama čiji je član.

IV ODNOSI VIJEĆA MLADIH I GRADA MOSTARA

Član 23.

Odnosi Vijeća mladih Grada Mostara i Grada Mostara urediti će se u skladu s odredbama Zakona o mladima Federacije Bosne i Hercegovine ("Službeni novine Federacije BiH, broj 36/2010.)

Član 24

Komisija za mlade Gradskog vijeća Grada Mostara prati rad Vijeća mladih Grada Mostara i daje prijedlog za poboljšanje rada Vijeća mladih.

Član 25.

Vijeće mladih je obavezno da mjerodavnim tijelima Grada Mostara :

- dostavlja godišnji program rada u tekućoj za narednu godinu,
- redovno podnosi godišnji pismeni izvještaj o svom radu,
- redovno podnosi izvještaj o utrošku dodijeljenih mu sredstava iz Budžeta Grada Mostara za svaki mjesec,
- predlaže određene inicijative Komisiji za mlade Gradskog vijeća Grada Mostara, a koje se tiču problematike mladih.

V ORGANI VIJEĆA MLADIH

Član 26.

Organi Vijeća mladih su:

1. Skupština Vijeća mladih Grada Mostara
2. Upravni odbor Vijeća mladih (organ upravljanja)
3. Nadzorni odbor

U svakom od organa upravljanja Vijeća mladih moraju biti ravnopravno zastupljeni „mladi“, oba spola i različitih nacionalnosti. Sve osobe u organima upravljanja moraju biti punoljetne.

Članstvo u Vijeću mladih je dobrovoljno.

Vijeće mladih može, na način na koji se donose odluke, formirati i druge organe i tijela ako to doprinosi uspješnijem i racionalnijem radu.

Član 27.

Prilikom predlaganja i izbora u tijelu Vijeća mladih, kao i nosioci rukovodećih funkcija tih tijela, treba nastojati da se vodi računa o nacionalnoj i spolnoj zastupljenosti.

Član 28.

Organizacija, sastav i način rada organa i radnih tijela Vijeća mladih uređuje se na način da se osigura normalan rad, ravnopravno odlučivanje i odgovornost udruženih organizacija i tijela u organima i u tijelima Vijeća mladih na ostvarivanju prava i dužnosti utvrđenih ovim Statutom i drugim općim aktima Vijeća mladih.

Svaki član organa i tijela Vijeća mladih osobno je odgovoran za svoj rad i odluke organa i tijela čiji je član.

1. Skupština Vijeća mladih Grada Mostara

Član 29.

Skupština Vijeća mladih je najviši organ upravljanja Vijeća mladih.

Skupštinu Vijeća mladih čine:

- 3 predstavnika Unije studenata Univerziteta Džemal Bijedić u Mostaru,
- 3 predstavnika Udruženja IAESTE/ studenata Sveučilišta u Mostaru,
- 3 predstavnika iz Udruženja Vijeća učenika srednjih škola Grada Mostara,
- 2 predstavnika Sportskog saveza Grada Mostara
- po 1 predstavnik ostalih članica Vijeća mladih.

Svaki predstavnik mora imati ovjerenu punomoć, odnosno Odluku iz organizacije članice koju zastupa.

Predstavnik može biti osoba koja je državljanin Bosne i Hercegovine, punoljetna osoba koja nije pravosnažno osuđivana i ima prebivalište sa područja Grad Mostara.

Član 30.

Sjednice Skupštine Vijeća mladih mogu biti redovne i vanredne.

Redovne sjednice Skupštine Vijeća održavaju se jedanput godišnje, a po potrebi i češće.

Vanrednu sjednicu Skupštine Vijeća mladih saziva Upravni odbor Vijeća mladih na zahtjev najmanje 1/3 članova Skupštine Vijeća ili predsjednika Upravnog odbora Vijeća mladih ukoliko nije moguće održati sjednicu Upravni odbor Vijeća mladih.

U slučaju da se takav zahtjev pojavi, sjednica Skupštine Vijeća mladih mora biti održana u roku od 30 dana od dana prijema zahtjeva koji mora biti pismeno obrazložen.

Vanredna sjednica Skupštine Vijeća mladih može odlučivati samo o pitanjima zbog kojih je sazvana, a odluke imaju istu važnost kao i odluke redovne sjednice Skupštine Vijeća mladih.

Predsjedavajući Skupštine Vijeća mladih ima zamjenika.

Radom Skupštine Vijeća mladih rukovodi predsjedavajući ili zamjenik predsjedavajućeg Skupštine Vijeća mladih i njihov mandat je 2 (dvije) godine, a bira ih Skupština Vijeća mladih.

Član 31.

Predsjedavajući Skupštine Vijeća mladih:

- predstavlja Vijeće mladih;
- organizuje i saziva sjednice i predsjedava sjednicama Skupštine Vijeća mladih;
- traži prijedloge Upravnog odbora Vijeća i radnih tijela u pripremanju dnevnog reda Skupštine Vijeća mladih;
- osigurava da sva pitanja s dnevnog reda budu u skladu sa zakonom;

- potpisuje akte koje donosi Skupština Vijeća mladih;
- odgovoran je za primjenu Statuta Vijeća mladih;
- prati realizaciju odluka i zaključaka Skupštine Vijeća mladih;
- radi na ostvarivanju ciljeva Vijeća mladih, nepristrano rukovodeći sjednicama Skupštine.

Član 32.

Skupština Vijeća mladih obavlja sljedeće poslove i zadaće:

- donosi Statut i druge opće akte Skupštine Vijeća mladih i njihove izmjene i dopune,
- donosi Poslovnik o radu Skupštine Vijeća mladih,
- donosi godišnje programe rada Vijeća mladih,
- usvaja godišnji finansijski plan kao i finansijski izvještaj,
- bira i razrješava predsjedavajućeg i zamjenika predsjedavajućeg Skupštine Vijeća mladih,
- bira i razrješava predsjednika Upravnog odbora Vijeća mladih,
- bira i razrješava članove Upravnog odbora Vijeća mladih, koji su po funkcije koordinatori jednog od Radnih tijela,
- bira i razrješava članove Radnih tijela,
- bira i razrješava članove Nadzornog odbora Vijeća mladih,
- bira predsjednika Nadzornog odbora Vijeća mladih,
- bira i razrješava predstavnike Vijeća mladih u Komisiju za mlade Gradskog vijeća Grada Mostara,
- razmatra i usvaja godišnji izvještaj o radu Upravnog odbora Vijeća mladih -organa upravljanja,
- razmatra i usvaja godišnji izvještaj Nadzornog odbora,
- imenuje sekretara Vijeća mladih,
- imenuje radna tijela Vijeća mladih,
- predlaže isticanje kandidature Grada Mostara, u suradnji s Komisijom za mlade Gradskog vijeća Grada Mostara i Gradskom upravom Grada Mostara za organizaciju značajnih manifestacija mladih,
- razmatra i donosi druge normativne akte Vijeća mladih koji su od posebnog značaja za rad Vijeća mladih,
- verificira mandate zastupnika – predstavnika članova Skupštine Vijeća mladih,
- donosi odluku o udruživanju ili pristupanju Vijeća mladih drugim omladinskim vijećima i asocijacijama,
- radi i druge poslove i zadaće iz djelokruga svog rada.

Član 33.

Skupština Vijeća mladih donosi odluke većinom glasova od ukupnog broja članova. Sljedeće odluke su izuzetak i mogu se donositi samo ako za njih glasa 2/3 od ukupnog broja članova, a odnose se na:

- sve izbore,
- donošenje, izmjene i dopune Statuta,
- obim i sadržaj međunarodne saradnje,
- utvrđivanje omladinske politike Grada Mostara,
- isključenje članica Vijeća mladih,
- prestanak rada Vijeća mladih.

Za održavanje Skupštine potrebno je prisustvo najmanje $\frac{2}{3}$ od ukupnog broja članova Skupštine.

Član 34.

Odluke Skupštine Vijeća mladih stupaju na snagu od momenta donošenja i provodit će se odmah, ukoliko Skupština Vijeće mladih drugačije ne odluči.

Član 35.

Mandat članova Skupštine Vijeća mladih traje dvije (2) godine.

Mandat članova Skupštine Vijeća može prestati:

- istekom vremena na koje je biran,
- ostavkom,
- opozivom,
- ukoliko prestane članstvo u Vijeću mladih organizacije ili tijela koje ga je delegiralo.

Član 36

Skupština Vijeća mladih može, u okviru svojih prava i obaveza, da formira stalna i privremena radna tijela, čiji djelokrug i sastav se utvrđuje odlukom o njihovom osnivanju.

Član 37.

Unutar Vijeća mladih, s ciljem što boljeg i efikasnijeg djelovanja, obrazuju se **stalna radna tijela** i to:

1. Radno tijelo za saradnju s institucijama vlasti u Mostaru i BiH i međunarodnu saradnju, saradnju s nevladinim organizacijama;
2. Radno tijelo za obrazovanje, kulturu i volonterizam;
3. Radno tijelo za sport i ekologiju;
4. Radno tijelo za ekonomiju i turizam, socijalnu zaštitu mladih i zapošljavanje mladih;

Svaki član Vijeća mladih ima, na osnovu svoga iskustva, afiniteta i domene rada organizacije iz koje dolazi, pravo odlučiti u kojem radnom tijelu želi sudjelovati.

Svaki član, ukoliko se ukaže potreba za istim, ima pravo sudjelovati u više radnih tijela, o čemu odlučuje radno tijelo u kojem se član želi dodatno angažovati.

Svako radno tijelo ima svog koordinatora koji je ujedno i član Upravnog odbora, u kojem zastupa radno tijelo i rukovodi njegovim radom.

Radna tijela broje najmanje 3 član iz skupštine.

Svako radno tijelo može u svom sastavu, ukoliko se ukaže potreba za tim, angažirati i vanjskog saradnika za pomoć u rješavanju određene problematike tog tijela.

Vanjski saradnik nema pravo odlučivanja u Radnom tijelu.

Koordinatora i članove Radnih tijela imenuje Skupština Vijeća mladih.

Radna tijela donose odluke većinom glasova od ukupnog broja članova.

Član 38.

Koordinator Radnog tijela:

- organizuje rad Radnog tijela;
- u pripremi rada saraduje s članovima Upravnog odbora, članovima Vijeća mladih i sa svim drugim subjektima od značaja za rad Radnog tijela;
- pokreće inicijativu i koordinira razmatranje pojedinih pitanja iz djelokruga Radnog tijela;
- redovno dostavlja Upravnom odboru izvještaj o radu Radnog tijela.

Upravni odbor **Vijeća mladih (organ upravljanja)**

Član 39.

Upravni odbor Vijeća mladih je organ upravljanja Vijeća mladih koje, između sjednica Skupštine Vijeća mladih, organizuje i obavlja sve poslove i aktivnosti u skladu sa odlukama i zaključcima Skupštine Vijeća mladih.

Upravni odbor ima ukupno šest (6) članova, a čine ga predsjednik Upravnog odbora Vijeća mladih, koordinatori stalnih radnih tijela (4) članova i predsjedavajući Skupštine Vijeća mladih Grada Mostara.

Skupština Vijeća mladih bira Upravni odbor Vijeća mladih na period od 2 godine.

Član 40.

Predsjednik Upravnog odbora Vijeća mladih je ujedno i predsjednik Vijeća mladih.

Predsjednik ima dužnost da:

- predstavlja i zastupa Vijeće mladih;
- organizuje, saziva sjednice i predsjedava sjednicama Upravnog odbora Vijeća mladih;
- organizuje rad Upravnog odbora Vijeća mladih;
- usklađuje i koordinira rad Vijeća mladih;
- potpisuje opće i pojedinačne akte koje donosi Upravni odbor Vijeća mladih;
- odgovoran je za primjenu Statuta Vijeća mladih;
- upućuje na raspravu nadležnim radnim tijelima Vijeća mladih prijedloge općih akata;
- izvještaje, informacije, analize i druge akte upućene Vijeću mladih;
- prati realizaciju odluka i zaključaka Vijeća mladih;
- radi na ostvarivanju ciljeva Vijeća mladih, nepristrano rukovodeći sjednicama,
- obavlja i druge poslove u skladu sa zakonom, Statutom i drugim općim aktima Vijeća mladih.

Predsjednik/ca Vijeća mladih ne može biti predstavnik/ca ni član iste organizacije članice iz koje dolazi predsjednik/ca Skupštine ili predsjednik/ca Nadzornog odbora.

Član 41.

Predsjednik Upravnog odbora i Predsjedavajući skupštine Vijeća mladih zajedno predstavljaju i zastupaju Vijeće mladih.

Predsjednik Upravnog odbora Vijeća mladih nema zamjenika.

U slučaju odsutnosti ili opravdane spriječenosti vršenja dužnosti, Predsjednika Vijeća mladih zamjenjuje Predsjedavajući skupštine Vijeća mladih.

Član 42.

Upravni odbor Vijeća mladih donosi odluke većinom glasova od ukupnog broja članova.

Član 43.

Upravni odbor Vijeća mladih ima slijedeća prava i obveze:

- donosi Poslovnik o radu Upravnog odbora Vijeća mladih;
- vodi aktivnosti Vijeća mladih između sjednica Skupštine;
- provodi odluke i zaključke Skupštine Vijeća mladih;
- priprema sjednice Skupštine Vijeća mladih;
- predlaže izmjene i dopune Statuta;
- utvrđuje prijedlog Programa rada Vijeća mladih i podnosi ga Skupštini;
- ostvaruje kontakte i saradnju s organima javne uprave, drugim udruženjima i institucijama; pravnim i fizičkim licima, radi ostvarivanja interesa i potreba Vijeća mladih;
- odobrava javna saopćenja koja se odnose isključivo na rad Vijeća mladih i ne miješa se u slobodu javnog istupa pojedinih članova, ukoliko se to ne kosi sa ovim Statutom;
- razmatra i o ostalim pitanjima u skladu sa Statutom i odlukama / zaključcima Vijeća mladih;
- predlaže Skupštini prijedlog finansijskog plana za tekuću godinu kao i finansijski izvještaj.

Član 44.

Vijeće mladih ima sekretara, koji se bira iz članova Vijeća mladih a imenuje ga Skupština Vijeća mladih.

Sekretar se imenuje na mandat od 2 godine.

Član 45.

Sekretar Vijeća mladih pomaže Predsjedavaćem Skupštine i Predsjedniku Upravnog u tehničkom pripremanju sjednica i organizovanju rada Skupštine, Upravnog odbora i radnih tijela, te u vezi s tim obavlja sljedeće dužnosti:

- brine se o osiguranju uslova za rad Skupštine Vijeća mladih, Upravnog odbora Vijeća mladih i radnih tijela;
- prima inicijative i prijedloge upućene Vijeću mladih i osigurava dalju obradu;
- odgovoran je za pravno-tehničku obradu akata i zaključaka usvojenih na sjednici;
- odgovoran je i za obavljanje poslova koje mu nalaže Vijeće mladih, te za dostavljanje zaključaka i pitanja nadležnim organima i službama;
- vodi zapisnike sa sjednica svih sastanaka, te vodi evidenciju prisutnosti članova.

3. Nadzorni odbor Vijeća mladih

Član 46

Nadzorni odbor je nadležan za praćenje zakonitosti rada Vijeća mladih.

Nadzorni odbor ima predsjednika i dva člana.

Skupština Vijeća mladih bira predsjednika i članove Nadzornog odbora.

Članovi Nadzornog odbora ne mogu imati funkciju organa upravljanja Vijeća mladih.

Mandat članova Nadzornog odbora traje dvije (2) godine.

Nadzorni odbor održava sjednice po potrebi, a obavezno pred sjednicu Skupštine Vijeća na kojoj se odlučuje o poslovanju Vijeća ili usvajaju dokumenata materijalno-finansijskog poslovanja.

Sjednice Nadzornog odbora saziva Predsjednik Nadzornog odbora po vlastitoj ocjeni, kao i na zahtjev Predsjednika Skupštine Vijeća mladih ili najmanje 1/3 delegata Vijeća ili Upravni odbor Vijeća mladih. Nadzorni odbor radi na sjednicama čijim radom rukovodi Predsjednik Nadzornog odbora.

Nadzorni odbor svoje odluke donosi većinom glasova od ukupnog broja članova.

Svoje odluke Nadzorni odbor dostavlja Skupštini Vijeća mladih, Upravni odbor Vijeća mladih i radnom tijelu na čiji se rad odnose.

Član 47.

Nadzorni odbor o svojim nalazima i utvrđenim činjenicama u pogledu izvršavanja zaključaka i odluka Skupštine Vijeća mladih i Upravni odbor Vijeća mladih, pravilnosti materijalno-finansijskog poslovanja Vijeća mladih i njegovih organa, podnosi izvještaj na sjednici Skupštine Vijeća mladih jednom godišnje, a također svaki put o tome upoznaje Upravni odbor Vijeća mladih.

Član 48.

Nadzorni odbor ima zadatak da nadzire:

- primjenu Statuta i drugih akata Vijeća mladih,
- finansijsko poslovanje Vijeća mladih,
- donosi poslovnik o svom radu,
- druge poslove koje mu stave u nadležnost Skupština Vijeća mladih i Upravni odbor Vijeća mladih ili koji proizilazi iz propisa ili Zakona.

Član 49.

U izvršenju poslovnih zadataka Nadzorni odbor ima pravo da vrši uvid u svu dokumentaciju Vijeća mladih.

Član 50.

Vijeće mladih ima glasnogovornika i webmastera koje imenuje Upravni odbor Vijeća mladih.

Glasnogovornik/ca i webmaster se bave odnosima s javnošću Vijeća mladih u saradnji s Upravni odbor Vijeća mladih i predsjedavajućim Skupštine Vijeća mladih.

Glasnogovornik redovno održava kontakt s medijima i dužan je istinito, objektivno, nepristrano i korektno izvještavati javnost o radu Vijeća mladih, u skladu sa zaključcima Skupštine Vijeća mladih i Upravni odbor Vijeća mladih.

VII SAZIVANJE SJEDNICA

Član 51.

Skupština Vijeća mladih održava sjednice u pravilu jednom godišnje, a po potrebi i češće.

Član 52.

Upravni odbor Vijeća mladih se sastaje obavezno jednom mjesečno.
Upravni odbor se može sastajati i češće prema ukazanoj potrebi.

Član 53.

Radna tijela održavaju sjednice najmanje 5 puta godišnje, a po potrebi i češće.

Član 54.

Poziv za sjednicu sa prijedlogom dnevnog reda i pripremljenim materijalima dostavlja se članovima Skupštine Vijeća mladih i osobama koja se pozivaju na sjednicu, najmanje sedam (7) dana prije održavanja sjednice.

Osobama koja se pozivaju na sjednicu radi učestvovanja u raspravi po određenoj tački dnevnog reda, dostavlja se materijal samo za tu tačku.

Predsjedavajući Skupštine je dužan:

- tražiti prijedloge Upravni odbor Vijeća mladih i radnih tijela u pripremanju dnevnog reda;
- osigurati da sva pitanja s dnevnoga reda budu u skladu sa zakonom;
- osigurati pojašnjavajuće stavke uz distribuirani materijal, ukoliko su one potrebne.

Član 55.

Materijale za sjednice Skupštine priprema sekretar, uz prethodno odobrenje Upravnog odbora, predsjednika i podpredsjednika Skupštine.

VIII MATERIJALNO – FINANCIJSKO POSLOVANJE

Član 56.

Za ostvarivanje svog programa rada, Vijeće se finansira iz sljedećih izvora finansiranja:

- iz Budžeta Grada Mostara i drugih nivoa vlasti, te drugih institucija namijenjenih za finansiranje potreba mladih,
- vlastitih prihoda (marketing, sponzorstvo, donacije i dr), a u skladu sa Zakonom,
- prihoda od dopunskih djelatnosti u skladu sa Zakonom.

Član 57.

Sredstva iz Budžeta strogo su namjenska sredstva i moraju se isključivo koristiti za poslove i zadatke prihvaćene godišnjim planom i programom rada.

Sredstva koja Vijeće mladih ostvari vlastitim radom mogu se isključivo koristiti i trošiti prema odluci Upravni odbor Vijeća mladih.

Član 58.

Materijalno finansijsko poslovanje Vijeća se vodi u skladu sa propisima kojima je propisano vođenje računovodstvenih knjiga i isprava neprofitnih organizacija.

Član 59.

Vijeće može sticati pokretnu i nepokretnu imovinu.

Upravni odbor Vijeća odlučuje o stečenoj nepokretno imovine, o prodaji, o prijenosu na drugo pravno lice ili o davanju u zakup nepokretno imovine.

IX. JAVNOST RADA VIJEĆA

Član 60.

Rad Vijeća je javan.

Javnost rada se ostvaruje:

- javnim održavanjem sjednica svih organa i tijela Vijeća mladih,
- pravovremenim dopremanjem materijala za raspravu predstavnicima udruženih organizacija i tijela i ostalim zainteresiranim organizacijama i institucijama,
- izvještavanjem predstavnika sredstava javnog informisanja o održavanju svih sjednica Skupštine Vijeća mladih i Upravni odbor Vijeća mladih,
- izvještavanjem građana o radu i poslovanju Vijeća, putem štampe, radio i TV stanica, WEB stranice i dr.

Član 61.

Vijeće mladih je dužno Gradu podnijeti izvještaj o radu i finansijskom poslovanju u skladu s članom 23. ovog Statuta.

Član 62.

Javnost rada se obavlja u skladu sa propisima o javnom informisanju.

X ZAVRŠNE ODREDBE

Član 63.

Statut Vijeća mladih Grada Mostara usvaja Skupština Vijeća mladih.

Izmjene i dopune Statuta Vijeća mladih donose se na način predviđen za njegovo donošenje.

Svaki član Vijeća mladih može predlagati izmjene i dopune Statuta.

Član 64.

U slučaju prestanka rada Vijeća mladih Skupština Vijeća mladih odlučuje o raspolaganju imovinom Vijeća mladih.

Član 65.

Statut je pisan na jezicima konstitutivnih naroda BiH na latiničnom i ćirilichnom pismu.

Jezici i pisma iz prethodne stavke ovoga člana ravnopravno će se koristiti u radu Vijeća mladih.

Član 66.

Statut stupa na snagu danom usvajanja na Skupštini Vijeća mladih Grada Mostara. Usvajanjem ovog Statuta prestaje važiti prethodni Statut usvojen 2014. godine.

Usvojeni Statut bit će objavljen se na web stranici Vijeća mladih Grada Mostara.

Broj:01-45/16.

Mostar, 03.03.2016. g.

PREDSJEDIK VIJEĆA MLADIH

Mp.

Ivo Čarapina